

[fol. 143r]

ObwohlIn bey dem alhiesigen Churfürstlichen Preuambt vnnnd zwar gleich zum Anfang dessen, also schon von vnuerdenckhlichen JahrN Herkhommen, das ab iedem Schaf Waiz 4 kr. Messgelt eingefordert, welche alß dann vnder vns beede Preu Beambte, den Preumaister, Oberknecht vnnnd beede vnsere Schreiber verthailt. So ist aber bei Aufnehmung der 1685- et 1686ig-jehrigen Preurechnung von dennen Churfürstlichen *p.* Herren Rhäten vnnnd Preurechnungs *Commissarien* vnns bedeittet, das von dem auch Churfürstlichen hochlob. Geheimben Rhat seye genedigist anbeuolchen worden, solche 4 kr. Messgelt abzuschaffen vnnnd an statt der 4 kr. hinfüro von iedem ganzen Schaf nur 1 kr. Streichgelt einzufordern, ainen oder 2 aigne Streicher aufzunemmen vnnnd selbe hieruon zu besolden. Dahero man dan solchem genedigisten Anbefelchen gehorsambis nachgelebt. Allermassen so gleich Hanns Jacob Mayr, Burger alhier zu Kelhamb für einen Streicher verpflichtet vnnnd ihme ab iedem ganzen Schaf Waiz ain Kreizer Streichgelt verraicht wirdt.

[fol. 143v: Leerseite]